

定山堂詩集

定山堂詩集卷十一

五言律詩七

百四十四首

吳門雪後舟行卽事

四首

月夜虎林與善持君言別

善持君移舟相送

錢塘江行雜詩

三首

夜發抵富陽

枕上過釣臺

龍游道中作

二首

常山道上

六首

玉山道中

四首

雨中抵玉山

玉山舟行趨饒江

二首

鉛山河口舟中

二首

舟觸石幾沉急移江干從者負之登岸始免
舟漏旣窒復人於江時已薄暮

夜泊貴溪

安仁道中

過龍窟

夜泊感事疊前

夜發木樨灣趨瑞洪

二首

曉過市汊

和空同韻

順風過豐城

和空同韻

曉發象口雜紀

四首

玉峽驛

和空同韻 二首

峽江舟夜

二首

曉過釣魚臺

望李懋明先生墓道

龍洲

劉晉卿狀元故里

晚霽將抵吉水

二首

白沙驛

和空同韻 二首

至吉水忽雨

小潭

將至廬陵紀事

晚發泰

和晤楊內美遺孤兼爲春浮園志感

抵贛州

二首

山行抵南康縣

二首

南康曉行趨大庾

四首

將抵南安

二首

過梅嶺

五首

漣溪舟中

夜行過始興江口

過鼻墟

曲江道中看山

二首

過韶石

濛濛道中

晚泊欲登觀音巖不得

二首

乘月放舟過觀音巖

二首

飛來峽

泊清遠

病

胥江驛

晚抵三水

過小塘

二首

春日袁亦文招同秋岳飲五羊觀

二首

登拱北樓

二首

春星亭同秋岳夜集用少陵韻

十首

珠江月夜

二首

嶺南歸興

六首

秋岳偕至佛山同張登子飲廊無傲齋中

二首

高峽山

二首

鈴山寺

制府王公載酒同鎮帥侯公張公觀察沈公枉送山麓

二首

過英德縣山

定山堂詩集

四

雨中入南華禮六祖真身並拜愍大師捨院
故人王子雲不相見者十七年忽握手于匡
江之滸是夕遂別悽然不成寐寄懷六章
歸舟過章江雪堂先生謝病山居輕帆出晤
并誦見懷詩有何人當國愁孤掌有客還
山避老拳之句湖上阻風悵然感憶因拈
詩中平韻賦寄八章兼志從游歲月

舟過皖江風雨晝泊

銅陵道中乘風急渡

終

定山堂詩集卷十一

姪嘉禧

淮南龔鼎莘孝升著

男士祺全較

弟鼎璚孝積訂

士稚

順治丙申使粵迄
康熙辛丑歸舍稿

五言律詩七

吳門雪後舟行卽事

罷酒征鴻過將離客易驚
晨光飛霰亂水驛破烟
行城繞鳬鷺濶風遮鼓角晴
野橋殘柳色長路已

含情

其二

吳船廻短篷人意隔暄悽腸正隨輪轉睂猶舉案
齊生涯同雨雪溝水肯東西衰颯雙蓬鬢難消玉
筇帝

其三

全生豺虎後豈避雪霜欺霧隱西施屨天低秦伯
祠孤蓬憐襖被萬里其心期

謂考
成也

獵獵陰風下綠

村問酒旗

其四

兵氣連雲嶠人行萬馬中
戰爭猶海國角相竟天
風客散田橫島封多李廣
弓飄零寬老眼書劍且
江東

月夜虎林與善持君言別

風雪寒江路輕帆信轉蓬
月晴燈火外人老別離
中啼笑憐嬌女艱難倚角弓
玉臺樹事早春報絲
樽同

善持君移舟相送

九載西陵約游蹤誤去船淚痕芳草見歸夢遠峰
懸目斷迴孤棹湖長縮別筵河橋今夜月故向碧
波圓

錢塘江行雜詩

塵夢空江淨天風不厭喧櫓柔輕白浪山妙領黃
昏多難扁舟得當年壽角屯港飛真一笑歸鳥遍
遙邨

其

朝業消煙六潮荒萬弩風片帆殘照下孤月亂流

中歸馬方嘶北征鴻日向東喜聞金革定丹壑縱
衰翁

其三

客路逢初降離愁入夜紛人還吳苑雪夢駐越溪
雲燈火衣香見江山戍柝聞何時操作罷同釣五
湖濱

夜發抵富陽

生事安行役蒼茫獨夜舟枕高孤角送峰轉萬星
流遠火明山市江聲入棹謳折腰驚候吏吾夢正

滄洲

枕上過釣臺

孤客愁中夜空江人語長前驅防虎穴急鼓過魚梁
烏喙西臺勦羊裘故態狂夢回驚掉臂一臥負滄浪

龍游道中作

夜永披衣慣燈殘徹曙明蛟螭生峽石草樹換陰晴
使馬帆空駛眠鷗瞑易行垂堂吾自警不獨別離情

其二

水碓直漁磯寒泉日夕飛噴珠迴地脉卷雪近征
衣烟壑家家得雲山歷歷微進舟忘噏澀此路逐
春歸

常山道上

灘高停急漿山路通郊垌縱眼寬攜杖回頭怯
泛萍橋林寒晚翠松壁黨遙青亂後經行少兒童
問使星

其二

滄海方吹角頻年
骸齡過地偏征斂
盡人去草萊多敗
屋叢枿枯霜天長
薜蘿登臨幽興適
吾淚亦滂沱

其三

石路縈清沼亭臯
帶遠林柳黃伺夜
雪樟老一山陰戰
伐遺今日蕭疎稱
此心探竒堪卒歲
愁豈鬢毛侵

其四

了知心境習數見
景長鮮丹葉明霜
後蒼崖暗雪

前經過地曲折忽漫水延緣樵斧虛無裏青霞幾
洞大

其五

險隘江閩接巒岫嶺長弓鳴援易駭林密虎真
藏炊飯邨烟白支扉木葉香幾時羣盜息并日理
游裝

其六

隔水喧漁艇巾車落日催沙平寒燒出峰壓縣樓
開塔暝棲鴉過城孤野獸迴故人青眼在驚喜看

山來

孫孝若司李
晤語甚歡

玉山道中

此地吳天濶題書驛路中山疑遙黛碧愁耐曉燈
紅殘醉村茶送鄉心淞水通蒼蒼烟霧息飛鳥又
長空

是日寓家
問吳門

其二

白日埋峰頂高低萬綠屯江山留晚暮烽火漏燒
燔地氣暄征袂人烟定旅魂眼看負戴者來往熟
戎軒

其三

聞道金鷄嶺年年蝟虎盤
經行唯碧樹安穩勝層
灘小市霜蔬飽前朝石碣寒
百憂披豁盡真自愛
林巒

其四

再有青巖路天風響亂松
亭亭廻野鶻一一捲蒼
龍翠入茅檐合雲浮遠塔
濃前山飛急雨愁溼暮
天鐘

雨中抵玉山

知不足齋叢書
六
細石沾泥滑危峰入霧沉孤青時隱見羣水倍陰
森霜果紅驚眼風蘿裊出林長橋傾圯後側想戒
臨深

玉山舟行趨饒江

危湍恒百折江雨密寒晨溪急雲衝杵舟喧石負
人淒陰游目換征旅短篷親箬嶺頻南望飄搖媿
此身

其二

幸少風濤犯盤渦險亦偏竹篙盈尺水桐龕一舟

煙柴摘生柴溼茶分急雨煎榜人簑笠外兵甲尙
年年

鉛山河口舟中

一峰驚壁立板地出波心鳥道攀真絕鷗沙汎易
深經霜叢篠碧近水古苔陰極目荒寒外飛雲亦
滿林

其二

江濶初移柂殘冬暑易斜斷雲生遠浦枯竹夾山
家岸草冥冥雨風篙淦淦花鷺湖懸一水聞道鬢

先華

舟觸石幾沉急移江干從者負之登岸始免
寶應風檣後驚濤復滿船俱當殘荻路况是積陰
天俗薄愚三老心長阻一川平生忠信意無策謝
逌邇

舟漏旣窒復入於江時已薄暮

盪舟臨石岸舵側斧斤稠顛沛謀方合溪山景已
遒天心爭尺寸歲事警淹留飽閱安危理吾生藿
食休

夜泊貴溪

林暝舟相失，停舷怵野溪。
一星懸瀨急，殘鼓報帆低。
燈火踈荒堞，風塵倦舞鷄。
途窮終忍淚，留眼縱登躋。

安仁道中

此方羣岫碧，蒼靄接遙波。
豺虎銷晴晝，江天入釣蓑。
茅簷依岸曲，樹色捲霜多。
但祝征輦靜，山山有薜蘿。

過龍窟

一江風定後天逼暮帆清龍氣浮湖濶漁竿狎瀨
平驚弓墟落火負耒戰場兵廟算勞羣盜何時緩
踐更

夜泊感事疊前韻

章江蛟蜃立霧雨忍楊波白骨輕烽燧黃塵到笠
蓑殘烟栖箐密故老採薇多牛犢春風起樵歌望
女蘿

其二

亂離吾漸老關塞眼能清心總懸長路人應改太

平垂綸何地事扶杖十年兵聞道滄溟上師期已
數更

夜發木樨灣趨瑞洪

夜分喧急槳雲壓大湖西野燒迴星黑漁罾罌石
低亂流孤枕過人語凍禽啼多病侵行役生涯晚
竟迷

其二

繚岸奔沙激臨淵宿火寒且須愁黧黧未敢訝風
湍身世危檣小江湖獨夜寬健兒弧矢意飛動慰

衰綫

曉過市汊

和空同韻

晶晶沙浮日滔滔浪拍舟晴烟謹水市風瀨忖孤
游酒罷江樓遠帆移戍鼓流嚴程兼歲晚梅訊憶
西洲

順風過豐城

和空同韻

欹側盤渦急乘風興轉增江城過倚篷夜槳滅張
燈水濶峰痕隱寒輕地氣蒸斗間龍故躍拂拭幾
人曾

曉發象口雜紀

峽逼蒼山出張帆數倚灘路偏風日定沙漲水雲
寬殘堠驚烟斷孤鉦鬪石寒飽聞豺虎窟指點過
羣巒

其二

百丈牽頻斷安流坐臥違捫金知虎落涉水憫鵝
衣羣盜荒江大浮蹤白日微經過烏鵲地巢破正

翻飛

時過
鳥口

其三

短岫纍纍接侵丹翠已平熟知迴渚險猶及午烟
晴艸樹封樵徑魚龍散櫓聲當時填海客鐵甲莽
連營

其四

戍樓江步出鱷浪卽須愁時事輕青犢吾生小白
鷗亂深懷土少邑儉算緡稠羣吏疲郊壘應關上
相憂

玉峽驛

和空同韻

奇峰森倚伏古驛破荒涼夕氣衝波迴江烟割壁

長城歌沙吐堞峽斷翠橫梁萬室休兵日探幽或
此鄉

其二

槎枒爭鳥道蒙密隱爰啼獨石支橋曲叢篁觸纜
低燒燧驚獵火壓縮感征輦回首蒼崖割雙屺落
照西

峽江舟夜

寒水浮星動崩巖入暮平波經孤峽細月挂半山
晴到眼烏鳶骨關心雁鶩聲總耽康樂屐涉險亦

何營

其二

又觸危灘轉孤篷日夕愁村空真駭鹿燈散烟行
鷗急鼓書籤亂蠻江晚樹稠蒼茫野哭外擊柝豈
銷憂

曉過釣魚臺

亂石如殘堞臨流峙此臺霧籠羣樹小帆對萬山
開迴合追嚴瀨青蒼到酒杯信知垂釣穩風雨坐
莓苔

望李懋明先生墓道

石馬悲風起人言有道阡
厦傾虹化日城燼雀歸
年黃髮衣冠古清流板蕩傳
淒淒巾幘淚空灑曉
山前

龍洲

劉晉卿狀元故里

一林松吐秀寒翠逼江南
地迴蛟龍臥天空雲木
參時無愁甲冑身竟許烟嵐
感慨黃麻裂延英萬
口談

晚霽將抵吉水

蒼烟浮嶂去危石激湍鳴萬態紛空濶孤舟費送
迎樹拖青壁暗日射白波明勝地諧幽賞飄飄忘
遠征

其二

江國繁霞媚金波絢晚潭淺深峰故疊天水碧相
含過鳥高雲沒潛蛟絕壑耽探奇聊物外不敢勸
朝簪

白沙驛

和空同韻

驛帶荒潮逝沙吞曲岫清最憐今夜月曠過峽江

城捲地噴陰雪乘風縱旅征暮鴻聲噉噉妻斷客
心明

其二

圓沙吹慢白層浪濯纓清浮客真愁夜栖烏欲近
城披榛迷野戍帶甲稔南征暝色孤帆外疎星已
放明

至吉水忽雨

漸覺星光斂微看燭影寒城陰驚到雨天黑倖過
灘明日孤篷小前山滑路盤江膠真藉汝愁坐送

更闌

小潭

紺塢猶珠網蒼雲自翠柯
郡孤山總秀寒淺水偏
波村落墟輦鼓譙樓起薜蘿
幾時天厭亂小艇信
江沱

將至廬陵紀事

鷺洲丹閣迴螺浦綠烟屯
城郭還雄鎮江山到郡
門法曹清節重先伯父曾爲郡司李
勝蹟故人存美紫中丞修復也
五馬何烜赫風旗獵獵翻

晚發泰和

晤楊內美遺孤兼
爲春浮園志感

又對孤笳月城邊急樂開兵藏畱箭鏃春斷聞亭
臺萬事同乾甕殘程漸早梅曲江金絡馬流涕幾
荒萊

抵贛州

弭節驚灘失荒雲壁壘斜市樓人帶甲馬櫪夜飛
沙碧血殘羅雀蒼生窘式蛙諸州消息定早晚及
桑麻

其二

候人開別館名借翠華長力詘空寧武天移已建
康晉賢名蹟古閩嶠亂峰荒苦憶承平會黃簾燕
寢香

山行抵南康縣

巾車頻涉水斜日峽江陰近縣青樟合環山亂塔
深陣餘鴉噪屋沙外棘穿林不識春風意穠桃破
遠岑

其二

傳說回朝使灘頭絡繹來浮裝真臘舶送喜尉佗

臺茅土恩原重黔黎喘未迴年年喧嶺北帆影日
邊開

南康曉行趨大庾

往往天迴嶂層層水繞田人行村樹杪日下鳥痕
邊暖氣浮霜草荒畝補爨烟喜無戎莽伏漂轉任

山川

其二

尙武真成俗周防藉戍兵馬盤崖路細弓挂曉山
晴攫翅鷹須飽驚林虎不行普天終息戰五嶽一

定山堂詩集

五言律詩

卷十一

身輕

其三

小溪城下路殘堞鬱參差歸燕無新壘
饑狐出斷碑鐵門猶晝掩風蔓故低垂
遲暮傷陵谷千山兒戰旗

其四

殘路仍安轍平疇帶遠坡轉看天浩蕩
不信嶺嵯峨松子微風落飛蟲霽日多
已知阿閣迴衰鳳任

行歌

地經鳳皇城

將抵南安

荒郡依迴嶺天南鎖鑰孤吾賢開節鎮西鄙豁榛
蕪除道銅牙弩疑香鵲尾爐使樓今夜月分興慰

征途

喜嚴方
公出昭

其二

青松森古堠離立一何長人代高枝榦兵戈送雪
霜龍鱗晴霧捲虎氣暮天蒼生事崎嶇極空山愼
斧斨

過梅嶺

嚴程寬過嶺旅鬢轉蒼然路繞流人曲天容石級
穿一行鳶引線萬翠髻浮巔秦漢風烟後關山險
未遷

其二

竟鑿蒼崖破天夾一門鳥應疑斷壑虎亦徙高
原戰伐炎荒舊車書王會尊當時金鑑客辛苦爲
黎元

其三

到日攀條盡羅浮夢有無垂垂人白老冉冉偏

孤筇冷迴風曲春殘束素圖漢江流涕後沾灑更
枯株

其四

蕭條廚俊意忽漫碧山前沙草薰殘酒春衣改隔
年亂崖斜到寺一壑碧涵天停轡還舒嘯餘生飽
燧烟

其五

青蒼羅蘚岫盤攬引松岡何地爭芒屨中天冷日
光雲迴香客袂峰曲驗離腸擬掃深宵石林開月

一方

漣溪舟中

嶠水南津出漣漪亦到江順流偏澀石急櫓想鳴
龍瀨狎人過嶺舟暄蝶趁窗淞潮千萬曲前月酒
盈缸

仲冬十七日自錢塘
開舟今恰一月矣

夜行過始興江口

挂嶺仍星斗開帆夜逐人谿迴燈嬾嬾雲動月鱗
鱗石墨遙橫黛風湍暗損神瘴江今始涉瀧吏傲
知津

過鼻墟

風壤三危僻南荒國久墟歲時勤穀壁恩澤易丹
書防密家庭禮天全魍魎居豆箕兼斗粟剪伐失
權輿

曲江道中看山

羣峭橫斜徧乘波枕上看陡驚天柱拔森逼瘴烟
寒鐘釜縣苔古鋒稜劈漢寬蒼蒼海日近應有毒
龍盤

其二

兩岸銜青嶠中流吐一舟
雲濤翻翠壁砂氣繡丹樓
鵬鵠全低翼豺狼敢犯幽
殘生鷗夢裏頭白漸知休

過韶石

開闢留雙闕星雲爛九成
卽今羣岫擁猶似翠華行
笙鶴何年跡京坻故老情
祥風宣遠徼豐歲更銷兵

濛濛道中

齊景丹崖翳驚瀟黑浪奔
石皴牢置屋樹密小團

邨古驛兵旗閃空江盜氣尊看山多亦倦高臥藉
微暄

晚泊欲登觀音巖不得

不有千重嶂能停萬里舟
卽杯堪信宿秉燭阻行
遊林氣燒山白江星入霧流
探源驚壁立先共短
筇謀

其二

舊說懸崖異真攀曲磴高
過雲低碧漢垂綆險絲
毫徑乃看天轉樓孤俯欄
牢抱珠龍正睡驚起蹴

層濤

乘月放舟過觀音巖

忽漫移飛檝驚呼萬峭前洞虛遙透火石出倒浮
天碧乳蛟官注丹梯鳥跡遷半山星月影平掛衆
峰巔

其二

羽翼憑虛騁身忘絕壑中香燈何夏臘天地此房
櫳大海晴嵐聚曹溪邃谷通岳花春浪細還許駐
孤蓬

飛來峽

湏水攢江曲，雙巖壓浪昏。
樹痕崩峽口，石氣盪天門。
地截蛟龍斷，山埋日月尊。
樓船飛渡後，惘惘失空村。

泊清遠

老樹浮殘堞，人家帶戍樓。
峽平山漸盡，江濶月長流。
虎氣凌孤柝，鷗聲駐早秋。
嶺程強半過，無雁識鄉愁。

病

微生懸瘴癘伏枕歲將殘蒸霧扁舟小離家藥裹
難盤餐愁益睡衣袂嬾禁寒爛熳春帆夢明星爛
未闌

胥江驛

臘向天南失春長岸草浮白沙吹蛤細黃蘗到蜂
稠水哨排連舸江雲出斷郵濤翻喧獺過驚起笛
邊鷗

晚抵三水

港密殘陽斂兵聲心沈寥大星斜帶岸懸水逆吞

潮望縣稀燈出驚心覺路饒滔滔腥浪接海氣暖
魚苗

過小塘

何地無芳草前村遍荔支我來蒼翠合不及嫩紅
垂皓齒憐香霧羅襦隱玉肌安能待朱夏飽摘朶
吾願

其二

門對清江曲村連賈舶長蚪根盤石岸蠣甲綴苔
牆落落支魚筍宗家閉樹香此邦曾沃土扶杖望

時康

春日袁亦文招同秋岳飲五羊觀

遣愁過嶺後豈出醉如泥仙井浮榕碧歌鐘出樹
齊春真濃瘴海兵欲偃雕題采藥何年事相攜谷
口西

其二

勝日淹雙屐高城峙此亭花凌晴壑秀鳥逼暮天
青石閣盤雲出風泉倚蓬聽芳春朋好在蘭蕙肯
凋零

登拱北樓

地擁雙門壯天浮萬井開
海風生鼓角花氣漲樓臺
畫靜銅壺細春多獵騎催
年年喧鬪伐丹壁竟崔嵬

其二

斗極羣芒滙天涯此望京
雙帆來越雉萬里問宮鶯
花外鞦韆出珠邊島嶼明
遙知旃厦意端拱計昇平

春星亭同秋岳夜集用少陵韻十首

日南圭景異春色早星橋客到浮金枕燈晴動碧
霄關河頭對白花月隱堪招不惜爲歡永吳天玉
漏遙

其二

急鼓喧軍幙朱絃徹曙清世憑歌匪虎身竟許聞
鶯春市江梅遂離筵錦帶羹望中香草綠真送馬
蹄行

其三

到日芳林曉紅靄失荔支老堪驅瘴嶺愁忽洗春

池嘯詠陰何得乾坤李杜知蒼蒼臺上柏枝縣雪
霜披

其四

金甲高城擁徵堂秀一花簾開深燕雀海近幻龍
蛇去國才偏健懷鄉酒不賒浦珠慚跋履爛醉信
陵家

其五

昨夜鵝笙暖晴雲拂檻開過冬添碧樹移燭吐青
梅榻爲孤蓬下槎經萬里來入林多逸客烟霧迴

定山堂詩集

五言律詩

卷十一

蒼苔

其六

南荒遷謫路興適亦雲泉兵氣迴銅柱山霞綯木
棉蠻姬宵奏鼓官水曉論錢只自清貧好生涯飽
涉川

其七

炬密繁林合齋虛散帙香檐花滃霧細海月湧杯
涼晚操堅炎嶠窮游狹退藏文瀾曹植濶題破萬
山蒼

其八

偶來中散駕狂竝習家池素賞諧衿帶緇塵浣羈
離且謀三徑約閒看五陵兒遊事應鉤黨千峰步
屨隨

其九

一壑秋水淨臨流割紫雲載歸南海月不累北山
文銅墨蠻天雜征徭戰血分長沙沾灑極彩筆共
繽紛

其十

定山堂詩集

五言律詩
二十四

卷十一

玉簫高會吹簫響，尙羊何欲別海雲。
暮到江垂柳，多風烟銅鼓路。
歲月唾壺歌迢遞，明星下難忘被酒過。

珠江月夜

碧海停橈晚，春星罷洒明。
潮平珠不暈，天濶月無聲。
軍堞驚潭繞，沙燈羯鼓驚。
前宵迴寶地，風捲岸花行。

其二

轉蓬身似葉，夢又逐春流。
玉帳停鳴角，風花動倚

樓地遙江漢佩心老鵬鴣愁任惜香林改烟波總
十洲

嶺南歸興

春爲開帆好人從投轄歸鄉心爭一寸海戍逐重
圍沙急晴珠湧風迴野笛稀轉愁花雨溼前路冷
征衣

其二

春雁吳天碧離愁計日除畫眉翻翠羽比目到文
魚醉罷真揮袂狂來欲捲書誰神誰獨賦珠館散

應徐

其三

已惜輕裝晚天隅過燭華紅蕉春欲卸黃木霧偏
斜問俗浮兵氣還山狎浪花高樓涼白莞一臥勝
仙砂

其四

戰鼓鶯相亂歌臺鹿竟遊月應晴故國花已放春
愁屐齒蠻烟滑歡場老鬢休錦帆絲竹路閉戶亦
丹丘

其五

羣盜何山伏牙旗一水開緣江春草碧明日故人

來

秋岳相訂
追送端州

買隱時難借歸朝騎莫催朱花桃葉

艇準擬共金壘

其六

尙記章門道緘題託曉風遙憐江閣雪心折海天
蓬埃火枕榔黑春衣荔子紅柴荆歸縱頗客盛五
湖東

秋岳偕至佛山同張登子飲鄺無傲齋中

虛館張瑤席春雲煖一亭客逢花鳥醉燈繞葛蘿
青海錯齋盤出驪歌隱几聽樓船潮欲落風遽起
江萍

其二

龍腹名原盛乾坤此種瓜玉壺醲晚市珠月吐晴
花老愛看山杖狂銷犯斗槎招攜春草在湖海跡
非賒

高峽山

石氣摩天黑層崖鎖一門爛柯分虎踞腥雨長罨

痕霧密峰全動帆輕壑易吞當時憑險鬪高浪駭
崩奔

其二

何處神羊跡偏留岐口峰峽雷真吼兕江日澹拖
龍獠穴懸春漲魚臺保戰衝上方花雨散淒斷海
天鐘

羚羊寺

制府王公載酒同鎮帥侯公
張公觀察沈公枉送山麓

幕府樓船發江波近酒清塢浮栖怖鴿山暖逼啼
鶯錦纜條風曲春衣玉轡輕攜柑兼折柳情逐海

雲生

其二

出寺重扶醉談深白氎斜荔園春買蟻

樹間有蟻則蟲不爲

荔害故園丁買之

榕岸曲盤蛇艸細迴金埒泉香吐碧沙

扁舟愁易別更載佛桑花

過英德縣山

晨帆爭歲晚奇蹟失孤尋歸及蒼崖吐春連絕壑
陰石幢分地拔花洞湫雲深髣髴南風奏涵暉起

谷音

雨中入南華禮六祖真身並拜愍大師塋院
浩刼西來願春泥屐肯封法雲懸一水香雨散諸
峰沙細青林磴天空午壑鐘蒼蒼初地迴花葉落
南宗

其二

老石盤榕大修篲拔地陰到山羣籟息過雨翠微
深遲暮悲塵事兵戈長道心風幡珠塔外真有妙
香尋

其三

依舊盧居士千春過劫灰
因明智藥大事到黃梅
獸網香雲護毘宮毒霧迴
派畱衣鉢遠龍象未須哀

其四

墜石懸腰後飛泉卓錫前
了知心不住安用跡頻
傳鍊慧因多難開天小四禪
經行祇樹徧粥鼓靜花烟

其五

以下三首
紀憨大師

冉闢幽溪霧延緣石棧分入門叢
桂長擊磬祖堂

聞臘淨層臺雪龕移五老雲當時擔骨血瘡嶺學
從軍

其六

誰信溪山老陰關廟社憂禍機緣羽翼年譜自春
秋愁公曾在五臺祈儲出世心偏熱支傾死未休人天紛涕
淚空指法幢流

其七

屠肆天風掃金繩海色明四山浮坐具千指束躬
畊茶筍春塍賤征徭累代輕髮雲珠玦繞不改梵

宮清

其八

好事岷峨客，桃柳復此菴。風波增慧業，親串共煙

嵐。

蘇程庵事

代易松千尺，人歸月一潭。平生詩酒污，今

日洗瞿曇。

故人王子雲，不相見者十七年。忽握手于匡

江之許，是夕遂別。悽然不成寐，寄懷六章。

伏枕匡廬下，天風盪壑寒。青山人再別，白首淚雙
彈。生事看鴻過，孤心托歲殘。石橋烟霧合，終日待

游鞍

其二

春岸雨如絲，春愁病客知。
江山畱一老，蘇李是吾師。
布被支檐破，殘燈命酒遲。
莫將幽憤意，輕入郢中詞。

其三

再憶蘭江暮，沙鷗逐棹孤。
運移連赤羽，酒盡失黃壚。
獨鹿吾生在，啼鵲萬事徂。
十年淒挂劍，風雨正重湖。

時于舟中哭
拜先君也

其四

樊水香雲散江村徧落花
琴孤空有夢

爲樊夫人死節事

天墜老無家
寒食黃州餅
秋風白下艤
好攜吳障月
欸欸話悲笳

其五

江渚緘書後芳蘭興易遯

子雲寄余書札未至

懸知鱗雁語

應勸薜蘿衣
失路恩良友
明心早釣磯
側身冰雪迥安敢羨輕肥

其六

舊有千秋約編題付草玄淒涼三月火流落萬人

傳

曩所付詩文稿
燼于城破時

官庫王家紙童烏戰後年藥囊

春漸減細寫寄吳船

歸舟過章江雪堂先生謝病山居輕帆出晤

并誦見懷詩有何人當國愁孤掌有客還

山避老拳之句湖上阻風悵然感憶因拈

詩中平韻賦寄八章兼志從游歲月

六年函席澗孤棹此經過江海深龍臥生徒隘雀

羅開樽林月淨促膝杞天多爲問東山屐蒼生事

若何

其一

草碧銅駝後艱危共幾春
寒沙招屈地亂日報劉
身水鏡無蕢棗華簪半
隱淪從來鷄鼠誚不到
采薇人

其三

蒲輪重入維世事已玄黃
兩部喧蝸鬪孤檣壓馬
當夕陽名士路月旦黨
人鄉袖拂天風外舍貞
履霜

其四

南斗占吾道西清散舊游
落花紛似霰岐路曲如鉤
天意寬丹壑秋衾送白頭
滄江雲樹晚應對朔風愁

其五

再抗投林節連章繞陛呼
百年唯藥物萬事有江湖
賜沐恩波屢藏書歲月徂
不須雲母隔故吏總公孤

其六

急雪愁過嶺深春問掩關
黎牀人獨臥花路鴈初還
沙艸移雙槳風烟洗百蠻
漂搖蓬梗跡巖桂許躋攀

其七

欲渡緣何事風波慘別顏
餘生原虎尾孤枕任漁灣
老覺艱難狎心容水石閒
回瞻牆數仞薜荔擁名山

其八

清問頻前席高名滿細旃
笑看荷作柱偏愛蕨如

奉物慙懽霖雨門生守畊田他時絲管會還擬進
彭宣

舟過皖江風雨晝泊

帆逼晨光散江聲乍覺喧陰雷沙岸動急雨客心
翻春後蛟龍大愁邊鳬雁昏青山雲樹好何計豁
天門

銅陵道中乘風急渡

斷岸緣江曲鳴沙激浪崩關蛟疑石峽使馬下銅
陵路入鄉心疾山連午翠蒸樓船王濬日風利想

奔騰